

1 Timoti

Pâlanj Timoti egat zapat meluwan nejanj kumti saye

Pâlanj zapat meluwan kapi kuye yangut sekamanj nen kuye. Zapat meluwan notnanj kuknangat tapmeliwen ke eganj dapmelange mka ma msat dende keyet kumindadananj. Âpme Timotiyet kuin kapi zapat meluwan an kwepgat kuye yangut zet keyet kenanj tazin ke am sambe nep makumti winde titiyelen. Pâlanj mka katiknan ku tati zapat meluwan kapi kuye yek; eganj zupman mamti kuye.

Timoti ek Pâlanj mulup annanj mtetime mulup ilitsakwep mmebun. Timotiyet mamanj Zuda mangeengatananj âpme bipmanj Glik an (Nembayelen Muluwin 16:1). Pâlanj Kawawangalen Zet Zapat Dolaknanj Penanj nejanj timegeen Timoti nâmkinjpepe aige (Nembayelen Muluwin 14). Bangat Pâlanj ekmak mamayelen ombempeye (Nembayelen Muluwin 16). Pâlanj Timoti peme iknjak mepmamti mulup mge keyet zemgwatnanj zet kapi kumsaye. Iknjak zempeme dapmelange tunjuwinan mamti mulup mimiyelen msaye. Mulup annanj tototat zigok tatagalen zet sekam iknjak iknjak ke zemâtâtât mulup omba penanj mge.

Zet noteknanj temanj kapigoganj 1 Timoti zapat meluwan kenan talip:

1:1-11 Zet yanjbemti zenzeyelen zet

- 1:12-17 Pâlaŋ Kawawaŋgalen keŋ taoletnaŋ ek-
magen wemsaye keyet zetnaŋ zeye
1:18-20 Yaŋaŋ eneyet aŋkeŋoo zet ke zemâge
2-3 Dapmelaŋge indikdamuŋ mimiyelen
zemâtâtât zet
4 Ekŋen am zemyuŋguŋgu omba mamip
ekŋenmak set zigoset zemusuwewet
mimiyelen zet
5:1-6:2 Am maŋge ikŋak ikŋak dapmelaŋge
kweggat tuŋguwinan talip ekŋenmagen
mulup mimiyelen zemâtâtât
6:3-19 Mama mimi yuŋguŋguŋaŋ omba
weyayaŋgalen zemâtâtât zet
6:20-21 Zet zemdelaŋ zenze zet

¹ Kawawaŋ Aŋgalalaŋŋ ma Zisas Kilais egat nin mawebenup. Egat mulup an neŋ mamti egalen Zet Zapat Dolakŋaŋ Penaŋ zempalakŋaŋ bembeyelen nâmti nakumtetiwan.

² Timoti, neŋ gâgât meluwaŋ kapi kumgayap. Geŋ nâmkipepeen nemun penaŋ benik. Kogogapmti Kawawaŋ Bipm ma Zisas Kilais ningat Amobotnaŋnnaŋgalen keŋ taolet ma aŋgalaŋgogot ma keŋ sewakŋaŋ geŋmak tatagalen nâmti dunduyap.

Pâlaŋ Timotiyet zet kilom zemyuŋguŋgu an ekŋengat ekseseyet zein

³ Âpme neŋ Masedonia msalen mesât mti kapigok apitilim gewan, “Geŋ Epesa tati am notnaŋ am zet katnaŋ dâsuki sakam igak igak tadiindop ekŋen ke zemkulumindewanik.”

⁴ Geŋ ekŋen bemzet dâsuki ma gulugalakŋineyet

kwilin etaŋ omaiŋ maiŋ tapmip ke penaŋepiŋ keyepmti zemkuluminde. Set keboŋ keyaŋ Kawawaŋmagen nâmkĩŋpepeyet setnaŋ ku manzuluzin. Âmandanda setnaŋ etaŋ manzuluzin. ⁵ Neŋ golaŋ zet yaŋaŋ kapigok in mimiyet nâmti zeya, in gogot dopdop mbep. In gogot ke keŋ kwetetepmanengatnaŋ kobe ma nânâŋin kileŋ mamaip kemagengatnaŋ yek ma Kilaismagen nâmkĩŋpepe tuwat tuwat palen mamaip kemagengatnaŋ ku kobe. ⁶ Am notnaŋ ekŋenaŋ zet zeyap ke bamkumpemti selin myunŋunŋpemti kopa zelen gwidikbien. ⁷ Ekŋen zii zet Mosesiyaŋ Kawawaŋmagen titiŋaŋ keyelen an zikat indanda igagen kwakwagalen mamip keyaŋgut ekŋenaŋ zelin tazeip ke yaŋaŋ ku nâmti keyet windenaŋ mamip.

⁸ Yaŋgut nin nânup zii zet teŋ mamâti mip beme keyaŋ dolakŋaŋ mambein. ⁹ In pigok penaŋ nâit, zii zet sambe kewan am tengat yek. Kelak am zii zet ku mamâlíp ma am keŋ katik ma Kawawaŋgat ku manâme mozin ma ayomtonŋ ma am eseseŋinpiŋ ma Emetak Teŋ ku mamâlíp ma am mambiwine maindome gakip ma am notnaŋaŋ am sambe maindome gakip, ¹⁰ ma an- imbi set kileŋ mama ma anaŋ anaŋaŋ timambet wewe ma imbiyaŋ imbimak timambet wewe ma amnaŋ am nolin kambutiti ma am dâsukitonŋ ma am nolinangat zet dâsukiyet zemkatikbembe ma Kilaisiyelen dapmelange mama mimiŋinaŋ zet katnaŋ penaŋ tazin ke ku mamâlíp ekŋen keye- len. ¹¹ Zet katnaŋ penaŋ am zikat indandayelen ke ilak Zet Zapat Dolakŋaŋ Penanen Kawawaŋaŋ

mamsokbein. Ke Kawawaŋaŋ neŋ zempalakŋaŋ bembeyelen naŋge. Zet keboŋ keyaŋ Kawawaŋaŋ pembedaŋgat windaŋaŋ dolak dolakŋaŋ keyet sesewatpepeyelen diindom zikat ndamamm.

Pâlaŋ Kawawaŋgat pembedaŋgat wisikŋ zein

¹² Neŋ mulupmnaŋgat winde Kilais Zisas Amobotnaŋnaŋ manaingapm wisikŋ penaŋ zeyap. Egaŋ neŋ mulupmaŋ ke ŋep mbap e nâŋgeyepm name mulupmaŋ ke mamiyap keyepm egaŋ neŋ ombemneŋge. Neŋ keyet wisikŋ zeyap. ¹³ Neŋ penaŋ egat eweŋaŋ ku nâmkijpemti egat bekaŋaŋ zewan ma amŋane sisipeŋpeŋ mimindewan ma kwelat kumpemti kwileki tapmiyap ke ku nâmtiyepm mbandaŋgut Kawawaŋaŋ neŋ aŋgalaŋ gogot mneŋge. ¹⁴ Kogok tapmnepepa ningalen Amobotnaŋ ek neŋ keŋ taoletaŋ bemisisikŋaŋmak bem mnemti nâmkijpepe ma gogot mimi keyet yaŋaŋ Kilais Zisasmagen tusumneneŋge. ¹⁵ Zet kapi penaŋ sukwep keyepmti neŋ manâyawan am sambeyan kapi nânâyelen Zisas Kilaisiyaŋ msalen toti am yom toŋaŋ nin timkwatndeye. Ninmagengataŋ nâgât yomnaŋ am sambe sebemindein. ¹⁶ Keyaŋgut Kawawaŋaŋ nâgât aŋgalaŋ gogot mge ewan Kilaisiyaŋ neŋmagen mulup mge e sepsepnok keyepmti am yomtoŋ ekŋenaŋ ke ekti nâwep ek an sewakŋaŋ. Kogogapmti notnaŋaŋ ŋep kapi nâmti mama kanzizit Kawawaŋmagen tiwep. ¹⁷ Mama katikŋaŋgalen Amobotnaŋ ku gakikiyelen ma amnaŋ ŋep ku gigigalen. Geŋ Kawawaŋ kwewetaŋ mamaniŋ. Amnaŋ Geŋ

eksemgemti sesewatgepen mamti mamambep.
Ke penan sukwep mganğayelen.

¹⁸ Timoti, nâmkınpepen nemun benik keyepmti neñ apitilim gesowap kapi mbanik. Eweñan geñ Kawawañgalen anañ muluwen gesâti ekñenanğ gâgât Zet Zapat Dolakñan Penañ zemkawañ bembeyelen Emetak Tenañ nâmbiliwepme weme ombemgeye keyet zemgwatnanğ mgewien. Keyet Amobotnanğalen muluwen geñ zedan an kasayen dolakñanğ maâin keboñ bemti âwanik. ¹⁹ Mti nâmkınpependi katikñanğ bemti tapme kenđi damuñ mmane kwetetepmanğ tabe. Am notnanğ ekñenanğ keñin damuñ mme kwetetepmanğ ku tage keyepm nâmkınpepenin kwalepme delanğ zeme kileñ mekobien. ²⁰ Ekñenmagangatnanğ an zut Aimenias ma Aleksandia egelañ sepem kegok mbun. Egelañ ñoktik dolakñanğ kapigok ku tiwungapmti neñ eget Sadanğat betnanğ bemidema nukñanğ omba idame keyanğ idamukulem mme egelañ Kawawañgat zet kwelat ewe ku kuwalup.

2

Sesewatmak mamayelen zet

¹ Zet ñen mobotnanğ penanğat neñ apitilingeyap e pigok: Geñ an nâmkınpepeninmak ekñen diindomane ekñenanğ am sambeyet nâmti Kawawañgat kwileki ñenğat teñ dunduwep ma dundundu temakwep mbep. Ma yanğkwesieset ma wisikñeset bemti Kawawañgat dundum sawep. ² Msatgalen amobotnanğine ma am notnanğ

mundum temanen talip ekñenañ nin ndadamun mme nin sewakñañ ma mamasi palen mamti Kawawañ eksempemti am sambeyañ mama mimi dolakñañ mamnupgat dundum sawanup. ³ Kegok mamnup keyañ Kawawañ Anjalañ egañ keyet nâme dolakñañ ma ñep bein. ⁴ Kawawañ am sambe ikñañgalen zet katnañ penañ ke nâmâtâtâgalen manâin ma Egañ am ekñen bekañañinangatañ anjalañindendeyet manâin. ⁵ Kawawañ kwewetañ mamain. Mti Kawawañ ma am ningat tuñgupmnan an kwep Zisas Kilais ek an sek tiyeyañ mamamndain. ⁶ Kawawañ am sambe ndaangalalañgalen nâñge ke msokbembeyelen kanañ penañ kopme Kawawañ Zisas Kilais am sambe yomengatañ ndatitiyelen ketalasimpeme koge. ⁷ Neñ yañañ keyepmti Zisas Kilais egalen mulup an neñ mamti egalen Zet Zapat Dolakñañ Penañ zempalakñañ bembeyelen ma zikat indanda mamayet nâmti zemnemti am Zuda mangeen ku sokbembeyañ zet penañ ñotekñañ indandayet ma nâmkñpepeyet nâmti zenewien. Zet ke dâsuki yek; neñ penañ sukwep zeyap.

⁸ Keyepmti neñ am Kawawañgalen mulupgat kenjin bembeyañ ekñengat pigok nâyap, ekñenañ zet zapat pembenangatañ ondedagen belin time mopme dundusâti nolinañgatañ ñenzinziñ ma zekañkañ mee bankumpemti dunduwep.

⁹ Ma imbi ekñengat kegogak pigok nâyap, ekñen sâk melakandu pembenañ miak bewangut ego egoñañmak yek weyañti miak bep. Ma ñok sepem yañañ yañañ igak sek mmobotgat

ku elengewep. Ma elemiak tosaŋaŋ mobotnaŋ golanŋ weyayaŋaŋ mee ku miak bep. Ma sâk melakandu tosaŋaŋ temaŋaŋaŋ kwititiŋaŋ sek mmobotgat ke ku miak bep. ¹⁰ Imbi Kawawaŋaŋ masesewatpeip ekŋengat mama mimiŋin elimiak pembedaŋ kebonŋ mti mamayet nâmti zeap.

¹¹ Imbi ekŋenaŋ buzak mamti damuŋ ekŋenmagen mulup zigok mimiyet yaŋaŋ mnâmti ekŋengat kandaŋinan mambep. ¹² Neŋ imbi notnaŋ ekŋenaŋ zikat indanda mulup mimiyet ma imbiyaŋ angat mobotnaŋ mamayet ku nâmindeyaŋ; ekŋen buzak tati nânâ etaŋ nâmbep. ¹³ Kawawaŋaŋ Adam kukŋaŋgat mge bam Ewa mme sokbeye. ¹⁴ Adamaŋ Kawawaŋgalen zemkatikbembe ke nâŋgeyaŋgut tetimae toŋaŋ imbimageset koti tetimideye ke sukŋaŋ bemti Kawawaŋgalen zet kuluye. Mme imbiyaŋ tetimaemae toŋgalen zet nâmti yom mge. ¹⁵ Keyet Kawawaŋaŋ nâme ŋep beme imbi nâmindame nempa ambebelinan ekŋenaŋ nâmkŋepepeŋinmak ma gogolinmak keŋin kwetetepmaŋ ma weyaŋti mambep enenogat ekŋenmagengatnaŋ An Anŋalalaŋ ke sokbembeyet zenzeŋaŋ.

3

An dapmelaŋge ŋeŋaŋ bembe ekŋengalen zet

¹ Zet kapi penaŋ. An ŋenaŋ dapmelaŋgeyelen ŋeŋaŋ bembe kwasâgât nâit beme egaŋ mulup pembedaŋ penaŋgat nâin. ² Âpme dapmelaŋge ŋeŋaŋ bembe ekŋenaŋ myuŋguŋgupiŋ mamti imbi kwewetaŋmak mambe. Egaŋ ŋoktik dolakŋaŋ etaŋ mâti mama mimiŋaŋ damuŋ mbe.

Am sambe eksempewep. Egan am mamananan notn mimindemti mkanan indewe. Mti an zikat indanda dolaknan penan mambe. ³ Egan tu katiknan omba nimti ken kilen ku mbe. Egan ken kasa sakwep ku mbe. Egan zekankanpin; ken sewaknan palen mambe. Egan manepmak bembeyet kenan teman ku tabe. ⁴ Egan imbi nembajane nep weyan indikdamun mimindewe. Mti nembajane indamusuwet indeme eknenan zetnan gawepumti dolaknan eksempewep.

⁵ An egan imbi nembajane nep ku maweyanindikdamun min beme ek Kawawangalen dapmelange ekngat nenanin tati nep ku indikdamun mbe. ⁶ An namkinpepe alaknan tususunan egan dapmelangeyelen an nenan nep ku bembeyet mneti egan sek mmobot omba min beme ek Sadangat zet zemdalanpepe miminan kegogak egan keyet palen mowebe. ⁷ An ke am sambe dapmelange ku bembenan eknenan eksempewep mneti ektakalimti Sadangalen ankapipilen kume Kawawangalen kwit zapanan towembemangat.

*An damun dolaknan ekngalen mama mimiye-
len zet*

⁸ Dapmelangayelen damun eknenan kogogagak mama miminin dolaknan mamambep ma maninanngat eksesenanmak mbep ma eknenan wain omba ninipin ma manepgat eiyakgaleset mulup ku mbep. ⁹ Eknenan Kawawangalen zet katnan penan zemkawanbembenan ke ken zutpin atam tabep. ¹⁰ Eknen ke kuknanngat yanin mekme ten mamenngut indeme damun mulup mbep.

¹¹ Imbi damuñ ekñenañ kogogak mama mimiñin dolakñañ mambep ma ekñenañ zekukuñinpiñ mamti ekñenañ ñoktik dolakñañ etañ mâbep. Ma kwitnañ kwitnañ nâmsemten mamip.

¹² Dapmelañgeyelen an damuñ ekñenañ imbi kwep esemten wabep. Kegok mti imbinem-bañine ñep weyañti indikdamuñ mbep. ¹³ An damuñ ekñenañ mulup dolakñañ mbep katan kwilin mwapme windemak tati Kilais Zisas nâmkinpepeñin ñep sosok zemkawañ bewep.

Nâmkinpepeyelen zet katnañ penañ

¹⁴ Neñ koti gigigalen nâyap ya ku kolap beme meluwañ kumgayap kapi makuwanik.

¹⁵ Keyañgut sakwep ku kobap beme meluwañ kuyawen kapi makumti am nâmkinpepeñinmak zigok mamayelen ke zemâtâtindawe. Nin Kawawañgalen nemunamba mañge keyet butnañ. Mañge keyañ Kawawañ mama toñañ egalen dapmelañge temañ ke Kawawañgalen zet katnañ penañ ke bandim mti ekdamuñ mamin.

¹⁶ Zet katnañ ekñen kapiyañ ningalen zet enzilim tazin ke alak msokbemkawañ bein:

Egañ an penañ sosok sokbemkawañ beme am sambeyañ ekbien.

Emetak Teñañ egalen yañañ sosok penañ mkawañ bemti zeye, “Kilais ek an teñ toñañ penañ.”

Âpme ensel ekñenañ ekbien.

Mañge katan am sambeyañ kwit zapatnañ mepmâpme nâmâpbien.

Msalengalen am sambeyañ ek nâmkinpemâbien

ma Kawawaŋaŋ kululuŋen busatnaŋ keŋan tetimoge. Nin zet keyet keŋ zutmak ku mnup. Nin nânuwen zet ekŋen keyaŋ penaŋ sukwep bein.

4

An zemyuŋguŋgu notnaŋgat zet

¹ Kawawaŋgalen Emetak Teŋaŋ alak pigok zemâtâti manzein, “Bam am notnaŋaŋ nâmkiŋpepe peme tapme ekŋenaŋ zet we bekaŋmagengatnaŋ gawepumti ekŋengalen zet yuŋgu yuŋgu ke an zemyuŋguŋguyelen keŋinan beme am keŋin omba mamyuŋguip.”

² Zemzikat indanda keboŋ ke an dâsukiton ekŋenmagengatnaŋ. Ekŋenaŋ, “Nin zikat indanda dolakŋaŋ mamnup” manzeiwaŋgut ke penaŋ yek. Yominangat sakambuk ku mamip ma keyaŋ mme keŋin gakikiŋaŋnok maip.

³ Am ekŋen keboŋ keyaŋ Kawawaŋgalen dapmelanŋgeyaŋ awembiŋ bemti Kawawaŋmak tâtâŋin tazin ke mme mŋasik bewe zemti manzemzikat indaip. Ma Kawawaŋaŋ meu zeme sokbeye ke am nâmkiŋpepemaŋaŋ wisikŋ dundum samti nimti zet katnaŋ penaŋ ke nâmâtâtâgat zeme sokbembenaŋ ke ekŋenaŋ meu ke ku niniyet manzemkulumindeip.

⁴ Kawawaŋaŋ kwitnaŋ kwitnaŋ sambe mme sokbeye ke pembenan etan. “Mŋasik,” zemti ku peme mebegalen. Nenaŋ kwitnaŋ kwitnaŋ tim nsâti Kawawaŋgat wisikŋ zemti nimbe. ⁵ Enenogat kwitnaŋ kwitnaŋ sambe ke Kawawaŋaŋ zetnaŋaŋ zeme sokbeme ekme

dolakŋaŋ beme ikŋaŋgat zapat nâmindeyeyet nin timnsâgât wisikŋ zemti dundumsawanup.

⁶ Geŋ zet zemâtâtât timti mâpmanik ke am nodine nâmkiŋpepemak ekŋen diindowanik beme geŋ Kilais Zisasiyelen mulup an penaŋ bewanik. Kegok mti giti kogak nâmkiŋpem manik ke giŋgiŋ mbanik ma an dapmelanŋeyelen zemâtâtât mam indanik. Zet katnaŋ tiwananen ke ewe nânâ mulup mamambanik. ⁷ Kegok tati bem zet ke zet katnaŋgat kasaŋaŋ penaŋepiŋ ke bamkumpemti keŋgaleset keyet mulupmaŋ mmamoti nâmkiŋpepe dolakŋaŋmak mama ke mmambanik. ⁸ Segeset pembenanŋ tatatgalen titok titok mambutenup ke zawatpiŋ mamayelen mamnup ke ŋewaŋgut keŋ butemti nâmkiŋpepeen kaliŋaŋ bemti mamayelen set ke ma ke mimiyelen ŋep penaŋ. E eneyet egaŋ penaŋaŋ alak msalen kapi maaiknup ma bamgat penaŋaŋ kogak aikbanup. ⁹ Zet kapi penaŋ sukwep penaŋ. Ke am sambeyanŋ ilindiŋ ŋep nâmti nâmkiŋpepeyelen. ¹⁰ Nin webembenn Kawawaŋ mama toŋaŋ ma Anŋalalaŋ Anmagen tazin. Ma am egat manâkiŋpewen yomengatnaŋ matimkwatindein. Nin keyet nâmkiŋpemti sek sindem palen mulup katikŋaŋ penaŋ mti mimiek mamnup. ¹¹ Geŋ zet zemâtâtât sambe zemâtâtgayap ke am zemzikat indamane nâmbep.

¹² Geŋ pemane an ŋenaŋ gâgât an zomolim zemti mtogeŋgepiŋ. Yek, geŋ an imbi nâmkiŋpepemak sambe ekŋengat ŋenaŋin ma zikat indandaŋin bemti zet zenzendi ma mama

mimindi ma gogot mimindi ma nâmkinpependi ma mama kwetetepman mamandi keyan sosok tapme ekbep. ¹³ Geŋ nâgât damuŋ damuŋ kan mambaniknok ke windenŋ Kawawaŋgalen zet dapmelange makumindawanik ma dindom zikat mimindawanik. ¹⁴ Kawawaŋgalen an neŋan belin ŋokdan bemti Kawawaŋgalen zet zempalakŋan bembeyet zemgewien. Mulup ke ku pemane towembe. ¹⁵ Geŋ kan katan wisatpiŋ ke tati mulup alak zeyap ke kakanemuŋ mbanik. Kogok mmane mulup mimindaŋgat penaŋan sambeyaŋ sosok ekmâtâbep. ¹⁶ Geŋ gitaŋgat mama mimindi weyaŋti damuŋ mbanik ma am zikat indandandi kogak weyaŋti damuŋ mbanik. Kan katan geŋ kwileki ke giŋgiŋ mti mbanik. Geŋ kogok mbanik beme ku walebaniŋ geŋ mama kanzizilen kwabanik. Mme am zedi manâiwan kogogak ku walebep ekneŋan mamaen kwabep.

5

Am mama mimi kapigoset indatimambep

¹ Geŋ ailip ŋen tetim mesât zet ŋenzinziŋ ku msawanik. Geŋ zet sewak sewakŋaset bipdaŋgat zeweknok dunduwanik. An sipkotem ekneŋ kogak dapmeniŋ katnanen indatim mambanik. ² Imbi ilip ekneŋgat kegogak mamne zemti sewakŋaset diindowanik ma imbi sipkotem ekneŋgat kogak ipmne zemti keŋ kwetetepmanen tejeset indati mambanik.

Dapmelangeyaŋ imbi kwambet indikdamuŋ mbep

3 Imbi kwambet penañ nemunambañinepiñ ekñen ke eksem indewanik. 4 Âk imbi kwambet ñen ek nemunambañane ma ñsokñañne talip beme ekñañañ kukñañgãt mukulem ekmagen ma ilinañgãt mambiwinemagen mbep. Mama mimi sepem keboñ keyet Kawawañañ nâme dolakñañ mambein. 5 Âpme imbi kwambet keyañ igak mame am ñenañ ekdamuñ ku mam egañ webembeñañ Kawawañmagen bemti tambu msa katañ dundunduyen mukulem mpepeyelen mayañkwesin. 6 Âk imbi kwambet ñenañ ikñañgãt sekñañgãt tikñañ mamâzin elak alik mainañgut keñañ eweñañ gakikiñañ. 7 Zet kapi imbi kwambet ma nemunambañine zemâtâtindame weyañti mamme am ñenañ ku zemkwelat mimindawep. 8 Âk ñenañ ikñañgãt sipbutnañ ma mamnotnane ku indikdamuñ min beme egañ nâmkijpepeñañ iyañti am nâmkijpepepiñ ekñengalen bamen tototnañ penañ bein. 9 Imbi kwambet kwilin kilom timti kwambet mañgeen tususupiñ. Imbi kwambet ekñen kabon kapi indikdamuñ mbep. Kwambet keyañ an kwewetañ wawatnañ ma nup kanañ 60 bein 10 ma mama mimiñin notnañ kapigok ekbep. Egañ nemunambañane weyañti indatim mamkwage. Ma am mamananañ indameti mka indaye. Ma sekñañ mtoti dapmelange nâmkijpepeñinmak notnañgãt mulup mge. Ma am nukñañen tapme mukulem mimindeye ma mulup notnañ pembeñañ keñañañ keyet bemti mamkwatan. Imbi keboñgãt ekbep. 11 Âk imbi kwambet sipkotem egañ kwilin dapmelangeyañ

indikdamuŋ mimiyeleŋ tususupiŋ. Mme ekŋenaŋ aimbiŋ bembeyeleŋ tikŋaŋaŋ mandame an wati Kilais bankumpewepgapmti ¹² ekŋenaŋ ekmak kukŋaŋgat tâtâ mbien keyepmti yommak bewep. ¹³ Ekŋenaŋ kogak kan walaletgalen yaŋaŋ mnâmti mka ŋengatnaŋ mka ŋen mamotolip. Kegok etaŋ yek, ewe mme bekaŋaŋ beme dekuku mimi ma nenn nâyap nâyap an damuŋnok mulup zet manzeip. Ma ekŋenaŋ zet ku zenzeyeleŋ ke manzeip. ¹⁴ Keyepmti neŋ nâma imbi kwambet sipkotem ekŋenaŋ awembiŋ bemi nempa indambeti apnempaŋine ma mkaŋin ekdamuŋ mmambep. Kogok mti weyaŋ mame am notnaŋ nâmkŋepepepiŋaŋ ningat kwelat ku kuwep. ¹⁵ Eneyet imbi kwambet notnaŋ ilak set pembeŋaŋ bankumpemti Sadan mâbien. ¹⁶ Keyepmti dapmelange imbi ŋenmagen imbi kwambet notnaŋ egat apnempaŋanemak maip beme egaŋ indikdamuŋ mbe. Âpme dapmelangeyaŋ ekŋen keboŋgat nukŋaŋ pupu yek. Imbi kwambet ŋen igak penaŋ main keboŋ etaŋ indikdamuŋ mbep.

Dapmelangeyaŋ damuŋine indikdamuŋ mbep

¹⁷ Âpme an damuŋine muluwin dolakŋaŋ mamip ekŋen keyet nâmindeme mopme an ŋeŋaŋ Kawawaŋgalen zet zenze main ma an zikat indanda nâmti weyaŋ indikdamuŋ mti ekse-mindewep. ¹⁸ Kawawaŋgalen Zet Itnaŋanen meluwaŋ mimiŋaŋ kapigok tazin,

“Makau apmaŋaŋ wit imenzaŋme katnaŋaŋ bul-ulun zem totogalen mulupmaŋ tapmti meu

nsâpmme kanjalemanj bekekekpiņ.” (*Zii Zet 25:4*)

Ma sepem kogogak mulup anañ tosaņañ ñep titiyelen. ¹⁹ An ñenaņ an ñeņañgat ñeņ beluņ beluņ zet ombem zeme nânâpiņ. An zut ma tuk ekņenaņ zet sakam kwep zemti bandim mme nâme penañ bewe. ²⁰ An ñenaņ yom mme geņ am notnaņ ekņengat zikalinan zet msamane an notnaņ ekņenaņ ekti kiņgabep.

²¹ Kawawaņ ma Zisas Kilais ma enselņene ekņengat zikalinan dindomti ingat zemâtâtât kapi mâti ken ke ken ke ma notn notn katnan betetnaņ ku mbep zemti diindoyap.

²² In am Kawawaņgalen mulup an winde indan-dayelen belin ñokņinan bembeyelen abak abak ku mbep. In am yaņin nâmâtâtâtpiņ mneti ilin yommak bewepgat eksemti kwetetepmaņ mam-bep.

²³ Âpme geņ sek zawat susuk mpeņ mam-nikgapmti tu etaņ ninipiņ; wain isikņañ kambakdi mukulem mimiyelen ñep nimbanik.

²⁴ Âpme am notnaņgalen yomin ñep sosok eegalen ma yominaņgat dopmaņ mutumindan-dayelen sosok matazin. Yaņgut am notnaņgalen yom bangat zemdelaņ zenze kanen sokbeme ekbanup. ²⁵ Sepem keboņagak mama mimi dolakņañ sosok ñep eegalen, ma notnaņ sosok penañ ku eegalen ke tetak ku enzilim tabe.

6

Sisiliņ an nâmkiņpepemak ekņengalen zet

1 Am nâmkîņpepemak sisiliņ etaņ mamip ekņenaņ an mobotnaņinaņgat nâme pembenañ beme mobotnaņ talip nâmti eksemindewep. Kogok mme am ņenaņ Kawawaņgat kwizet buņamaņ ma Kilais nâmkîņpepeyelen zetnaņgat ku zeme tobe. 2 Ma an mobotnaņin ekņen nâmkîņpepeņinmak zemti keyet sisiliņ mulup an ekņenaņ ku mtotindewep. Eksemindemti ekņengat mulup msâgât ekme nolin nâmkîņpepeen tazin nâmti sek bulâlâņ mulup ku mbep. Sisiliņ an in an mobotnaņin Kawawaņaņ nâmtikņaņ miminden ekņengat in muluwin windeņaņbeņ mbep.

Mânep milawatgat eyak ku mbep

Zet zeap kapi zemzikat mimindamti keņin buteme ke mâti mbep. 3 An ņenaņ nânâ sakam igagen tazikat indain ma Amobotnaņ Zisas Kilaisiyelen zetnaņ penañ ke nâme ņep ku bein ma mama Kawawaņaņ nâme dolakņaņ mambein zet ke zikat indandaņaņ ku mâzin 4 an ke belak sekņaņ etaņ mamimozin ma an ke nânâņaņ bugan ku tazin. Keņanen kwitnaņ bekaņaņ misik tazin. Egaņ zet mdândândâ ma zet yaņaņ zem guluk gilik omba mamm. Zet mdândândâyelen keboņ keyaņ penañaņ kapigok mamsokbein: keņ kuku mimi, atindândâyet setnaņ kabembe ma am nolin ņeniyet manâmbekambein ma an notnaņgat kwelat makun ma 5 an ekņen keboņ ke zet mmot mtot mti keņin yuņgume delañ zenzeņaņ ma nânâņinpiņ penañ ekņenaņ zet penañ

bankumpewien. Mti nâme Kilaisiyelen zapalaŋ mânep milawat sokbemndasem zemti mamip.

⁶ An ŋenaŋ mamaŋanen Kawawaŋaŋ mama mamayelen manâin ke mâti mezin beme keyaŋ mânep milawatmak mama keyaŋ sebempein. Ekmagen zigok tasain kelak ŋep kemak. ⁷ E zigogak? Nin msalen talak kobenn ya nan mane mesât belak betn mobenbeŋ mebanup. ⁸ Kegok keyepmti nin meu ma sâk melakandu tatndain beme keyaŋ nnaŋgat sepem ŋep bein. ⁹ Âk am ŋenaŋ milawatmak omba bembeyelen manâiwaŋ tetimaemaen sukŋaŋ beme Satangalen kapipilen maindon. Âpme keŋin kwilekiki bekaŋaŋ ma waleletnaŋmak keyet tikŋaŋaŋ bemisikti keyaŋ indamandame walelet kalinaŋ metobep. ¹⁰ E eneyet mânepgat keŋ omba bembe ke yom notnaŋgat ŋotekŋaŋ. Notnaŋ ekŋen ke wemindandayelen omba nâmti nâmkiŋpepeŋin katikpeme kilom mekogeyaŋ bamgat keŋ sindem ma nukŋaŋ omba aikindaye.

Pâlaŋ Timoti mama kanzizitgat yaŋaŋ zemzikat sain

¹¹ Timoti, geŋ Kawawaŋgalen an mamanikgapmti kwitnaŋ kwitnaŋ keboŋ ke eksempemti kunzun mebanik. Geŋ teŋ mama ma Kawawaŋgalen mama nâmtikŋaŋ mnen ma nâmkiŋpepemak mama ma gogotmak mama ma katikŋaŋ bemti tatat ma sewak palen mama keyet giŋgiŋ mbanik. ¹² Mti nâmkiŋpependaŋgat mulupmaŋ windenaŋ bemti mbanik. Kegok mmeti giti mama kanzizit tiwanik. Mama mimi kabon kapiyet Kawawaŋaŋ gakumtetime

geŋ nâmkĩŋpependi am sambeyet zikalinan zemkatik bemane nâmbien. ¹³ Kawawaŋ kwitnaŋ kwitnaŋ sambe mamaŋin maaikindain egat zikatnan ma Zisas Kilais egaŋ Pontias Paillet egat zikatnanen kiŋgagapiŋ iŋŋaŋgat yaŋaŋ penaŋ zemkatik beye. Egat zikatnan geŋ kapi mimiyet zemkatik beyap. ¹⁴ Ke geŋ neŋ zemgeya ke gawepumti mammopmane nnaŋgalen Amobotnaŋ Zisas Kilaisiyaŋ gilik zemkobe. Gawepumti tapmopmane am ŋenaŋ geŋmagen keyet yomaŋ ŋen aiikiŋiŋ mbep. ¹⁵ Kawawaŋaŋ kanaŋ beyeyaŋ tazin kan beme Kawawaŋaŋ Zisas sosokpeme kobe. Geŋ Kawawaŋ am sambeyaŋ sesewatgewep ma geŋ kwep winde toŋaŋ ma ŋeŋaŋ sambeyet ŋeŋaŋin ma amobotnaŋ sambeyet Amobotnaŋ. ¹⁶ Geŋ kwewetaŋ gakikiŋiŋ busatnaŋ temaŋ keyet keŋaŋ mamaŋik ke am ŋenaŋ mebegalen yek. Geŋ an ŋenaŋ ku giga ma ŋep ku gigigalen. Amnaŋ nâmgeme mobotnaŋ bewe ma winde gaŋgaŋaŋ ewe wemgamti wemobe! Keyet nâmti dundumganup. Ke penaŋ.

Am mânep milawalin temaŋ ekŋengalen zet

¹⁷ Msalen am mânep milawalin temaŋ mamaip ekŋen sekŋin ku mobotgalen diindomane ekŋenaŋ webembe mânep milawalin waleletgalen keyet ku bewep. Ekŋenaŋ Kawawaŋin kwilekiki kwapem matalasimndame oloŋen palen matimanup ekmagen webebenin bewep. ¹⁸ Mti zemindemane mama mimiŋinan kwileki pembenan ke mbep ma mama mimiŋin dolakŋaŋ keyaŋ semem mopme ekŋenaŋ kwileki

ke ma ke omba indawep ma am elen belen benti mukulem mukulem mimindewep. Mama mimi dolakñan ke ekñenan mânep milawalinok timti mambep. ¹⁹ Sepem kegok mti ekñenan Kawawañan kwitnan kwitnan tosa teman bangat timambep keyan luanan katikñan penan weyan bewep. Kogok mti keninan ñep mama penan penan mammnup ke nâmâtâbep.

²⁰ Timoti, geñ Kawawañalen zet katnan gaya ke yayan kakanemuñ ekdamuñ mti mbanik. Mti am notnan ekñenan kwelat zet ma zet penanpiñ ke timamti kwitnan, “Nânâ teman,” manzeip ke dâsuki keyepmti geñ bamkumpewanik. ²¹ Am notnan ekñenan zet kebon ke tojan benti nâmkinpepeyet set tageen myunğumti set belakñaset mebien. Kawawañalen keñ taolet inmak wemti wembe.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 4 Mar 2023 from source files dated 9 Oct 2020

ea68a902-358a-5c72-82de-a583fc4809e7